

85-86

12
15
24
12
21



續文獻通考卷之八十五

皇明進士雲間王圻纂輯

職官考 三公 宰相

三公 三孤附

遼北面于越府有大于越無職掌班百僚之上非有大軍
功者不授遼國最尊之官猶南面之有三公也太祖以
遥輦氏于越受禪終遼之世以于越得重名者三人耶
律曷魯屋質仁先謂之三于越 南面置三師府太師
太傅太保少師少傅少保又有三公府太尉司徒司空

此皆南面朝官之長 公師府有掌印官一人

金三師太師太傅太保各一員皆正一品師範一人儀刑四海三公太尉司徒司空各一員皆正一品論道經邦燮理陰陽

元三公太師太傅太保各一員正一品銀印以道燮陰陽經理邦國特示尊崇 太祖十二年以國王置太師一員 太宗卽位建三公其拜罷歲月皆不可考 世祖之世其職常缺而僅置太保一員至成宗武宗而後三公並建無虛位矣又有所謂大司徒大司空太尉之屬

或置或不置其置者或開府或不開府而東宮常置三師三少蓋亦不恒有也 馬祖常上言司徒司空皆古三公之流人臣名爵無如此極此者聖上踐祚之初沙汰冗濫尤慎此官僅歲屢有閒雜人等如沈宗攝汪元昌輩亦受司空司徒竊恐天下後世傳為口實非便

仁宗延祐五年監察御史言比年名爵濫冒太尉司徒國公接迹于朝皆奉詔裁罷中外莫不忻悅近聞禮部奉旨鑄太尉司徒司空等印二十有九此輩無功於國載在史冊貽笑將來請自今闕闕貴重勲業昭著存留一

二餘俱革去制曰可

皇明

國初設三公府正一品府罷而李善長徐達以丞相兼太師太傅常遇春以上公贈太保三孤無兼領者

太祖高皇帝下江左因勝國之舊為五等爵以贈勲臣及文武之死綏者其後有王公侯伯之典而罷子男至公孤絕不以為贈

太宗文皇帝罷公孤官

仁宗洪熙中復設太師太傅太保曰三公少師少傅少保

曰三孤侍

上左右備顧問咨幾務無定員無專授為

勲戚文武大臣兼官加官贈文官惟贈得三公嘉靖

初楊廷和一品十二年加太傅辭不受時置公孤官

以居英國公張輔尚書蹇義等於是加贈姚廣孝胡廣得少師馬京少傅墨麟得少保文臣之贈三孤自廣

孝等始

宣宗宣德中寵夏原吉其卒也欲爵之而不果故特崇以太師而蹇義因之文臣之贈三公自原吉始嗣黔公沐斌之薨欲王之則無功欲毋贈則不容已故特優以太

師勲臣之贈三公自黔公斌始周太保尚文之卒岳都督懋之戰歿宜伯而靳之一崇以太傅一崇以少師武弁之贈公孤自尚文懋始少詹鄒濟贊善王汝玉為仁廟舊宮臣故即位而贈太子少保賓客文臣之得贈東宮大僚自濟汝玉始王一寧侍郎也以閣臣而得太子太師三品之躡得三太自一寧始

太子太師 太子太傅 太子太保從一品 太子少師 太子少傅 太子少保正二品 太子賓客正三品皆東宮大臣而不列於詹事府無定員員無專授為

勲戚文武大臣兼官加官贈官或曰東宮公孤初蒞詹事府 洪武元年李善徐達兼太子少師 太子少傅治書侍御史文原吉范顯祖皆然 太子賓客

二十五年立 皇太孫始以宋國公馮勝穎國公傅友德兼太子太師曹國公李景隆涼國公藍王太子太傅開國公常昇全寧侯孫恪 太子太保詹徽為太子少傅兼吏部尚書茹瑋為太子少保兵部尚

書

太子太師 太子太傅 太子太保以道德輔教 太

子而謹護翼之。太子少師。太子少傅。太子少保。奉。太子以觀三公之道德而教諭焉。太子賓客侍。太子規誨贊相禮儀而先後之。

宰相

遼北面北宰相府掌佐理軍國之大政。皇族四帳世預其選。南宰相府掌佐理軍國之大政。國舅五帳世預其選。各有左右宰相二人。下有總知軍國事。知國事。南面有大丞相。左丞相。右丞相。平章事。叅知政事等官。列于中書令下。有左僕射。右僕射等官。列于尚書令下。

遼有五京。聖宗時設東京中京南京宰相府。各有左右相。左右平章政事。統和二十一年七月召北府宰相蕭塔烈葛南府宰相漢王貼不及南北院樞密使等。賜坐古今治道。

金左丞相右丞相各一員。從一品平章政事二員。從一品為宰相。掌承天子平章萬幾。左丞右丞各一員。正二品。叅知政事二員。從二品為執政官。為宰相之貳。俱列于尚書令下。

海陵天德三年五月以戒勅宰相以下官詔中外。

世宗大定二十四年閏十一月制外任官嘗為宰執者凡
吏牘上省部依親王例免書名 二十五年十月以宰
臣年老艱于久立命左右置小榻廊下使少休息
章宗明昌三年尚書府奏知河南府程嶧乞進封父祖權
尚書禮部党懷英言宰執改除外任長其佐官官以下
相見禮儀皆與他長官不同其子亦得試補省吏史且
祖父封贈禮當不同合與宰執一例封贈從之 承安
三年四月諭有司宰相遇雨可循廊廡出入
宣宗興定三年四月以天暑詔宰相四日一奏事

元宰相正一品銀印統百官率百司居中書令之次今缺
則總省事佐天子理萬幾初職未鞫初太宗始置右
丞相一員左丞相一員 世祖至元後尚書省與中書
省更變不一丞相增減無定 武宗至大四年尚書省
仍歸中書丞相凡二員自後用之不易 至正間復有
添設左丞與右丞之名

平章政事四員從一品掌幾務貳丞相凡軍國重事無
不由之 文宗至順元年定置自後因之至順帝時復
有添設第三平章之名 至元十五年上諭昂吉兒曰

宰相明天道察地理盡人事兼此三者乃為稱職爾縱
有功宰相非可觀回回如阿合馬阿阿里皆才任宰相
南人如呂文煥范文虎或可以相位處之耳

皇明

太祖即吳王位首建百司官遂以李善長為中書省右相

國徐達為左相國

仍元制
尚右

常遇春俞通海為平章政事

汪廣洋為右司郎中張瑄為左司郎中因

諭善長等

曰卿等為生民計以推戴予

然建國之初當先正

紀綱元民昏亂紀綱不立主荒臣專威福下移由是法

度不行人心渙散遂致天下騷亂今將相大臣當鑒其
失宜協心為治以成功業毋苟且因循取充位而已又
曰禮法國之紀綱禮法立則人志定上下安建國之
初此為先務爾等為吾輔相當守此道毋謹于始而忽
于終也 吳元年黥中書省叅議李飲水楊希聖先是
李善長劾奏二人弄權不由執政 太祖命黥其面云
姦狡百端詭譎萬狀 洪武戊申春改中書省左右相
國為左右丞相左右丞各一人叅知政事二人以宣國
公李善長為中書左丞相兼少師徐達為丞相統六部

事已酉冬 太祖以事詰責丞相李善長劉基謂善長
勲舊且能和輯諸將 上曰是數欲害汝汝乃為之地
耶 太祖又欲以楊憲為丞相基素厚憲對不可 上
恠之基對曰憲有相才無相器夫宰相者持心如水以
義為權衡而已無與焉者也今憲不然能無敗耶 太
祖曰汪廣洋如何對曰褊淺觀其人可知又問胡惟庸
如何對曰此小犢將債轅而破犁矣 太祖曰吾之相
無踰于先生對曰臣非不自知但臣疾惡太深又不奈
煩為之且孤 大恩天下何患無才願 明主悉心求

之如目前諸人臣誠未見其可也 庚戌召山西叅政

楊憲為右丞陝西叅政汪廣洋為左丞憲尋被誅 辛

亥春正月太師右丞相韓國公李善長致仕以左丞汪

廣洋為左丞相叅知政事胡惟庸為右丞相 癸丑春

正月黜丞相汪廣洋為廣東叅政以柔佞怠政也七月

以胡惟庸為左丞相陳寧為御史大夫

惟庸濠州定遠人洪武元年

太常寺卿至是命為丞相

丁巳夏五月以太師韓國公李善長

曹國公李文忠共議軍國重事總中書省都督府御史
臺是年召汪廣洋復為丞相 己未冬十二月汪廣洋

謫海南至太平暴卒 庚申胡惟庸伏誅遂罷丞相
時監察御史許士廉請復三公府 太祖不聽然藍玉
以涼國公常領太傅當是時翰林春坊官看詳諸司奏
啟署翰林院兼平駁諸司文章事某官某雖設 殿閣
大學士如宋訥吳伯宗皆侍左右以備顧問不得平章
國事 壬戌冬十一月戊午倣宋制置 殿閣學士以
禮部尚書劉仲質為 華蓋殿大學士翰林院學士宋
訥為 文淵閣大學士檢討吳伯宗為 武英殿大學
士時未有 內閣掌機務者仲質等尋以事降試監察

御史

成祖靖難後復開 內閣于東角門名 文淵閣 命吏
部及翰林院文學行誼材識之士入直贊襄時得待詔
解縉修撰胡靖編修楊榮吳府審理副楊士奇侍書黃
淮給事中金幼孜桐城知縣胡儼入居閣中 諭以委
任腹心至意專典機密雖學士王景革不得與焉 內
閣自此始矣是冬陞解縉為翰林侍讀學士胡廣黃淮
胡儼皆侍讀楊榮楊士奇金幼孜皆侍講

仁宗正位

東宮皆轉春坊官凡草制纂修等事惟翰林

院掌之無 內閣掌管之說如永樂十三年纂修性理
大全書成翰林院學士兼左春坊大學士奉政大夫胡
廣奉政大夫右春坊右庶子兼翰林院侍讀楊榮奉直
大夫右春坊右諭德兼翰林院侍講金幼孜上表進呈
蓋雖春坊官必須兼翰林院職銜方得預纂修之事未
有 殿閣大學士而獨任纂修之事者也然胡廣所兼
不過春坊大學士則是時 殿閣大學士不設已久矣
今尚書在 內閣辦事六部請 勅手本只云合用手
本前去翰林院寫 勅施行則舊意猶存可考也終永

樂之世二楊官止五品蓋為衙門所拘初未有衙門小
官大之例 仁宗登極始以 東宮舊臣陞士奇為禮
部侍郎尋陞少保兼 華蓋殿大學士楊榮為太常卿
進 太子少傅兼 謹身殿大學士又陞工部尚書在
內閣辦事楊溥永樂間繫獄十年釋出擢翰林院學
士尋陞太常卿兼學士 內閣辦事此三人皆以 龍
飛超陞委任不可以例論也後楊溥丁憂起復不入閣
宣德間因九年三品考滿方陞禮部尚書學士如故
正統中復 命八 內閣四年修 宣廟實錄成進

少保楊士奇楊榮俱進少師號三楊初楊榮陞尚書不
過工部則不敢以兼官壓六卿之意可見然則官制一
變之後遂使雜流出身在內閣書辦年久者亦得陞
至尚書至于序班道士亦以年資陞至尚書掌鴻臚寺
太常寺事皆三楊開其端也由是內是之權漸重無
異宰相而六部之權漸輕凡事多稟受內閣風旨而
後行卒使祖宗官制額定之員得以增置而日久因
襲遂不可改瑣綴錄有云國初革中書省不設宰相
永樂初乃設內閣選翰林院六七儒臣居之職知

制誥日備顧對叅決政機隱然相職而官不過學士

洪熙中始陞孤卿

又黃氏瑜云永樂初

命侍讀解

縉等七人入掌密勿凡行移稱翰林院內閣官傳

旨條旨則與尚書蹇義夏原吉同事而學士王景華

不與焉時閣老皆躋保傅叅預機務宣德初臨視至再

始設庖厨不復退食于外而出掌部者不再入正統初

開經筵于文華殿聖駕自是罕至傳旨則中官

專之惟條旨墨書小票司禮監用硃批出間有依違

而他官不與迨徐武功李文達掌文淵閣事始以政

府視之人亦稱為宰相矣殿閣詞林亦云 內閣恭贊
機務自成祖始然惟大學士暨學士而已即所謂入
內閣辦事也至于閣臣罷任多以禮待甚重而削奪
者亦不過於批旨內行遣而已

世宗嘉靖中寵任輔臣無過于張夏而二公罷相皆有
勅諭羣臣八年八月十五日 諭朕本藩服以我 皇
兄武宗毅皇帝青宮未建上賓之日 遺詔命朕入繼
大統以奉 天地社稷之祀君主臣民當是時楊廷
和等懷貪天之功襲用宋濮安懿王之陋事以朕比擬

英宗毒離父子之親敗亂天倫之正朕方在冲年蒙昧
致彼愈為欺侮其時幸賴 皇天垂鑒 祖宗默佑以
今輔臣張璉首倡正議忘身捐命不下鋒鏑之間遂致
人倫潰而復叙父子散而復完厥功具載莫可泯遠朕
念璉等忠 王事授以重職擢居輔導欲其全 君臣
始終之美之美奈何璉等自居官以來不思圖終之難
頓忘謹始之志自用自恣負 君負國所為事端昭然
衆見而桂萼尤甚近以言官屢劾朕不敢私論法本當
置諸刑典特從寬貸璉令還家愴悟以資後用萼奪其

續文獻通考
散官併學士職銜回籍致仕其餘黨分別區處庶幾仁
之中義之公兩盡焉又照給事中孫應奎王準陸粲居
言官之列有耳目之寄既知大臣若斯却乃坐觀至此
方行舉劾實非忠愛之本心亦負 朝廷之委任者也
應奎首為進言姑免究陸粲已究外王準也着法司提
了問茲特 諭爾文武羣臣庶令咸知朕意其璫等既
已處置了他每罪固不可掩而功尤不可掩內外大小
官員軍民人等不許乘此挾私讎奏擾敢有違的決行
重治不宥尚賴文武羣臣協心同力匡朕不逮凡近日

所行事務有未當者都着條奏更正可行的不許一槩
混開勿得罔 上縱私劾做為事事或敗露法典具在
必罪治之爾禮部便轉行都察院刻布天下悉使知之
故諭 十年某月日 勅諭三法司薛侃以猖狂之性
不諱之言據其言似忠謀遠慮但朕非宋仁宗向暮
之年原其心實懷欺罔忍於言 君終無建嗣之期妄
生異議致惹事端法司擬罪來看彭澤質非有用性本
無良小人狡詐之資奸邪詭譎之行往來構禍搬弄是
非致薛侃招稱有干 宗室傷朕親親之情俾輔臣急

於攻擊害朕 君臣之義罪犯深重法當處死姑從寬宥發邊遠地面充軍輔臣張孚敬初以建言大體朕特不次進用既而被人彈劾有 旨令其省改却乃不慎於思罔愎於性朕心腹是托奚止股肱而已望以伊傅之任豈惟待遇是隆乃昧休休有容之量犯戚戚媚嫉之科殊非朕所倚賴專于忌惡甚失丞弼之任難以優從着致仕去夏言既于斯事無干不合拍案喧罵匪徒失儀亦涉爭報念其被害所激赦而不問孫應奎曹汴職在糾舉豈責彼言但其時事未明白遽斥輔臣跡涉

回護故朕并令拿問今念係言官亦從赦放其餘見監人犯悉宥之此事既經區處爾在 朝大小官員宜思革除私忿務為盡忠効古人事 君同寅協恭之心守聖人事 君不貳不欺之訓匡朕不逮以臻至化庶不負其 君忝其親永有譽聞 二十一年六月朔之次日 手勅諭都察院近日人事愆違 天垂仁愛雨澤方至禾茂民康今雨下竟朝矣丞弼之臣宜忠敬清亮者居之故曰燮理調和之職也朕承 皇天眷命以神王二道裁理天下非求仙用夷荒昧之為止是一早朝

終始不一耳然 君逸臣勞務本抑末失小顧大先賢
用之朕雖失此早一臨門視多命攝愛此身僉是父母
遺我者宗禮帝神加志天下不曾色荒聲迷於不省人
事之地無一時不思天下付民上賴為人君之職所當
懼者奈何世降人浮求一人才夾輔卒不可得昨夏言
測 東宮遷移無故稱改慈慶為 東宮府夫廢 母
后悖制以縱奉子朕必不為言前稱朕意為正駁郭勛
為非今何一用勛言若今謂為忠正前亦忠正前謂為
非則今亦非也夫嫉人賢已必欲美皆已出惡亦無歸

夫何謂郭勛以不領 勅下獄矣猶千羅百織如何自
擬 君旨謂必不用 勅言官係 朝廷耳目一犬不
如專一聽受主使逆 君沽譽傾人取位以奉所悅或
戕人一家以代報復吁是人為乎又凡工作例有內官
監官作撰 大享殿興工何無高忠 勅稿前歲忠代
言進玉器 祝壽朕已疑其與彼同計矣今果通泄朕
言不具 勅稿果無例耶果不通謀耶昨又聞乘轎
苑中次日朕以香葉束髮巾用皮帛鞋以便跪起彼謂
不可夫無 賜而自乘擅也有 命而抗違非禮也且

朕不早朝彼亦不入 內閣軍國重事徑自私家而專
裁之 王言要密豈宜人臣視如戲具如此大事言官
豈無一人知見不聞一言片疏糾發徒知欺謗 君主
弄法舞文排擠忠直貪生媚竈今日神鬼皆怒雨甚傷
禾卿等布 諭俾中外知之時言待罪于家又十五日
降 口宣召八拜 皇考諱辰御仍直候內苑禮成言
具疏謝罪留中至七月朔奉 御批言始因朕 諭乎
敬令上疏論郊禮漸階寵用出羣臣之首累次放恣欺
慢全無驚懼面諛退誹深負朕恩遇優禮之甚屬當日

食太重正坐下慢上之咎令革職閒住已乃降 勅諭
禮部曰今日仰 天心中着本朕不才累及太陽正坐
臣子欺逼 君父外陰侵犯內陽之咎天 天子者有
臣道焉豈可居母位以匹天是一失厥當退處本位夏
言以臣欺凌 君上作威作福不下郭勛之罪但卿五
六人累年供事 內苑讚誠左右獨因此切軫朕心故
免死去之用仰承 天戒是二失中華陽外夷陰今夷
犯華若蹈荒原可見此時內外臣工通不愛民如身視
國如家是三失若是三咎厥災甚大伏荷 皇天降示

朕正感弗勝即於明日為始修省三月初五日躬祇告
于玄極殿內外大小百工宜各洗淨乃心修舉乃職
目即戎務為急司其事者盡心圖濟用保吾民禮部刊
刻頒布天下敬哉敬哉 詳夏之得罪每以偃蹇傲惰
見咎而迄不知省以致敗壞 先是十八年五月己巳
上幸大峪山閱視 陵工 內閣以居守 勅稿進
覽遲緩 上不悅因責輔臣夏言欺慢狀言具疏引罪
上大怒曰言自微官朕 命張孚敬示令建贊 郊
禮之儀遂不次進官其所倚任皆 朝廷恩眷自當益

勵公勤盡忠事 主乃每每怠慢不恭昨所選擬宮僚
多不稱用密疏既不遵式却借封皮以便私情既不遵
奉 原賜印記并歷年 御帖可即進繳 御前雖無
稿其數尚可查考無得隱匿取罪宜痛自省改以供職
業言復自陳臣一介凡庸遭逢 聖明在上追惟 郊
禮之議雖小有論贊寔首發自 淵衷成以 睿斷臣
實何知何能遂蒙顯拔不次進用臣非犬馬草木敢不
思感 恩圖報於萬一昨 扈從南巡偶以疾昏迷時
典禮方殷因勉強起閣供事至於錄進舊文併謨居守

勅稿既失稽遲而密疏之陳又屢違 欽式不意
聖度優弘勉之省改使得自新臣於此惟有感激流涕
痛自悔省而已復欽奉 聖諭令以 原賜印記并歷
年諭帖進繳臣於恐懼待罪之餘尚有意意外祈 息
之望蓋印記之文乃 特賜嘉獎 聖諭諸帖皆 親
灑宸翰比隆於典謨訓誥已編之 御集當傳之萬世
惟是臣之家藏實臣一時遭遇之榮為子孫百世之寶
今一旦追取臣忍舍之伏望重加矜念仍以 賜臣或
別加罰治則臣死且不朽矣疏入 上曰言既實 君

命手澤可見其實有 旨追取數日不繳必有殘壞禮
部即取進繳姑念昔日贊議 郊典革其勛階少師官
職具以少保兼尚書學士致仕言乃檢 手勅 諭帖
自嘉靖九年起至十八年共四百餘道為十二匣銀印
記一顆具疏上之 上諭吏部閣臣復言初出朕簡用
首因奉祀建贊 此郊茲典至大言知之真正克贊成
之朕嘗曰昔孚敬為綱常立論正吾父子之名言不忍
禍患能贊吾復 皇祖初禮二臣於我有助不意言以
惰慢之資超進丞弼之任身居是位猶不警勵昨已令

勅稿既失稽遲而密疏之陳又屢違 欽式不意
即聖度弘勉之省改使得自新臣於此惟有感激流涕
痛自悔省而已復欽奉 聖諭令以 原賜印記并歷
年 諭帖進繳臣於恐懼待罪之餘尚有意意外祈 息
之望蓋印記之文乃 特賜嘉獎 聖諭諸帖皆 親
灑宸翰比隆於典謨訓誥已編之 御集當傳之萬世
惟是臣之家藏實臣一時遭遇之榮為子孫百世之寶
今一旦追取臣忍舍之伏望重加矜念仍以 賜臣或
別加罰治則臣死且不朽矣疏入 上曰言既實 君

命手澤可見其實有 旨追取數日不繳必有殘壞禮
部即取進繳姑念昔日贊議 郊典革其勛階少師官
職具以少保兼尚書學士致任言乃檢 手勅 諭帖
自嘉靖九年起至十八年共四百餘道為十二匣銀印
記一顆具疏上之 上諭吏部閣臣復言初出朕簡用
首因奉祀建贊 此郊茲典至大言知之真正克贊成
之朕嘗曰昔予敬為綱常立論正吾父子之名言不忍
禍患能贊吾復 皇祖初禮二臣於我有助不意言以
惰慢之資超進丞弼之任身居是位猶不警勵昨已令

去之然朕復念言建助大儀力贊 陵議復他少傅兼
太子太傅禮部尚書 武英殿大學士還閣辦事贊
終喪禮宜省思盡忠未可怨尤其居上也即日任事初
言既罷政將行詣 闕辭 上遣司禮官止之 命還
家候 旨隨降是 諭言即進閣上疏謝 上報曰覽
卿已起閣朕知悅已卿宜益勵初忠盡心輔政事秉公
持正不惟副朕任亦免衆益也卿其思之言復疏謝且
言自處不敢後於他人一志孤立為衆所忌 上覽之
不悅隨詰責之并殊塗疏中洗改字數處言乃惶恐引

罪得 旨報聞亡何 上以 奉先殿雷震召大學士
夏言顧鼎臣往視時晷已移辰矣而言等尚未入政府
上 不悅曰輔臣朕所憑倚恣逸若是何以表率群工
命禮部劾之言等請罪 上曰朕每寬言過非為言
為左右義重也言乃傲惰成性蔑不知儆其何以表率
百僚鼎臣亦相效既已知罪姑宥之自後諸司敢踵過
蹈非者禮部都察院叅奏相黨護者連坐 十九年五
月始給還進繳 御書四百三道銀記一刻 手勅一
道二十年八月言以疾在告 上以慈壽晏駕 皇太

子服制議示言具疏對誤寫字號被旨切責令從實
陳狀言引咎謝罪并乞假還鄉治疾上怒曰言初以
言職朕命孚敬傳示令上言郊禮自是異擢崇
遷眷出群臣上何肆意放恣一至於此茲方廟災修
省之初皇伯母大喪之際邊圉未靖屬主憂之時
乃罔思體念居出任意病已將平敢於求逸大員倚注
本當遣問第念往勞落職今致仕去因盡削其階勛職
秩止令以禮書帶武英殿學士而已言初測知上
怒奏備虜事宜上答曰言既蘊忠謀何乃堅於自愛

負朕眷倚姑不究又五日九月朔諭禮部今古異
時縱孔子生未必不與我同朕自十三年受病重咳六
十日餘昨冬復得竒疾非熱非寒卧三旬乃起早朝遂
廢百司盡急不知君父本心非放恣聲色大抵生長
南方多脆非北地比奈夏言首輔先懈群臣効尤姑令
罷去今在位者務思忠勞之實勿慢天欺君曠職自
肆又六日壬辰言入詣迎和門辭賜酒饌無逸
殿仍令還私宅調理以俟後命至九月丁卯一月餘
乃詔以少傅太子太師禮部尚書武英殿大學

士赴閣仍賜假調理令於十一月廷謝履任至壬寅之詔凡三褫矣戊申兵部議復三邊侍郎曾洗復河套疏上以言主議銜之下問內閣露意大學士嚴嵩遂攻言言上批謂言於銑疏初至時乃密疏稱人臣未有如銑忠者朕已燭其私但知肆其所為不顧國安危民生死惟狗魯銑之欲云云言懼自辯上批答爾等朝廷倚政之本自宜先以邦民為心如何專徇私情強君脇衆昔密奏未允乃詐稱上意必行茲所奏又無引罪詞吏禮二部會都察院叅看以聞部

院叅言事惟任意跡涉強君上曰爾等奉旨議奏猶為跡涉此非媚即畏是何國體姑不究夏言削奪餘官以尚書致仕尋捕曾銑子淳及言翁婦下獄得其交通事狀詔夏言着錦衣衛差官校逮繫來京問三法司謂言法固當斬以直侍多年効有勞勩據律有議能議貴之條請自上裁上怒曰爾等任曰執法豈不知息威當自上出乃敢借意朋護朕視言為腹心言則視君為何方銑疏上時即密奏強君朕何嘗一言諭答敢動稱有密諭主行及事敗止令致仕

又不知引罪故作怨語曰前去因不帶香巾為朝廷計非以身家是人臣禮歟彼正以西內二三月直候不得見蘇剛為辭爾等又為言直侍內苑堅恣朋護之私是何法理其更擬奏遂同銑原坐交結近侍官員紊亂朝政律斬妻子流三千里及秋竟不免

穆宗隆慶三年五月吏部缺尚書方奉旨會推忽傳中旨起高拱以少傅兼太子太師吏部尚書武英殿大學士入閣預機務掌吏部事明年二月諭免奏事承旨故事召內閣輔臣必遣行人以示優眷時

吏部不以例請而移咨兵部遣一指揮往拱銜之遂與閣察漸不相能四年二月都御史王去位以禮部尚書文淵閣大學士趙貞吉掌都察院事六年六月傳皇后懿旨皇貴妃令旨皇帝聖旨說與內閣五府六部等衙門官員大行皇帝賓天先一日召內閣三臣在御榻前同我母子三人親受遺囑說東宮年小要你們輔佐今有大學士高拱專權擅政朝廷威福都強奪自專通不許皇帝主管不知他要何為我母子三人驚懼不寧高拱便着回籍閒住不

許停留你每大臣受 國家厚恩當思竭忠報 主如
何只阿附權臣蔑視 幼主姑且不究今後都要洗心
滌慮用心辦事如再有這等的處以典刑

續文獻通考卷之八十六

皇明進士雲間王圻纂輯

職官考 四輔 宰相屬官 給事中 符寶郎

翰林院 史官

四輔

皇明

太祖吳元年置四輔官尋罷之先是雷震謹身殿 太祖

感天變因置是官時龔穀 字文達江
西沿山人 學博行淳鄉里推

重以明經辟為教授尋以御史葉孟芳薦被徵及杜敷

許停留你每大臣受 國家厚恩當思竭忠報 主如
何只阿附權臣蔑視 幼主姑且不究今後都要洗心
滌慮用心辦事如再有這等的處以典刑

(Faint bleed-through text from the reverse side of the page)

續文獻通考卷之八十六

皇明進士雲間王圻纂輯

職官考 四輔 宰相屬官 給事中 符寶郎

翰林院 史官

四輔

皇明

太祖吳元年置四輔官尋罷之先是雷震謹身殿 太祖

感天變因置是官時龔穀 字文達江 學博行淳鄉里推

重以明經辟為教授尋以御史葉孟芳薦被徵及杜敷

趙民望吳源兼太子賓客位列公侯都督之次秩正三品告于太廟必欲德合天人均調四時以臻至治杜數壺關人勤慎力學精易書詩又著儒王本李佑安邑人皆至太祖坐武英殿西廡召見使言志皆對曰不敢上負聖明自棄明時遂擢本佑龔數為春官杜數民望源為夏官秋冬官缺以本等攝之嘗諭令沐浴致齋精勤國務或賜勅獎之每賜坐講治道且各圖像賜衣三襲又賜待漏院記未幾龔數致仕再起為國子司業陞祭酒因監生告假不奏聞上怒

其賣放坐罪免杜數疾卒本犯極刑召前御史安然代之然潁川人又云祥符仕元為左丞守萊州大將軍下山東然來授起居居改給事中尋擢山東行省叅政洪武二年擢為工部尚書五年拜河南行省叅九年改擢江浙布政使十二年召為御史臺右大夫明年改左中丞五月坐事免至是召為四輔官每論事賜坐多所裨益卒年五十八上親製文遣官祭之源先為興化府教授後以中書舍人林廷綱薦被徵尋皆坐黜惟李佑以老疾回鄉此職遂廢

宰相屬官

宋寧宗嘉定九年袁燮請增置宰屬疏畧曰臣聞人主不能躬親庶政故不擇忠賢以為之屬然宰屬者朝廷政事摩不關焉顧不重與故神宗皇帝嘗謂左右司所以學為宰相洋洋乎帝王之格言也臣嘗觀周禮天官冢宰之職雖有百官群有司無所不統而獨於其為宰屬者表而出之故其序官曰太宰卿一人小宰卿中大夫二人宰夫下大夫四人上士八人中士十六人下士三十二人自小宰以至旅下士合六十有二人皆宰屬也

其品秩雖不侔然與聞國政足以裨太宰之所不逮者均焉耳大宰以輔佐人主為職而為屬者又以彌縫太宰為職合衆多之謀智講國家之利害豈復有所闕哉今之為宰相古太宰之職也太宰之屬至於六十二人而今之為宰屬者不過數人何其多寡之甚相遠哉蓋自漢而下寔不如古所謂宰屬者惟曰長史曰司直曰公府掾而已去古益遠法制益隳而堂後官始得以用事我藝祖皇帝知堂吏之好賄也開寶五年詔選令錄簿尉為堂後官以士人代之取其究心儒學通知古今足

以為宰屬之助與吏胥固不侔也自時厥後任吏如故
蔡京兼政陰與交結更相表裏而紀綱日隳矣今陛下
更化以來垂意宰屬精選才能之士以戢堂後官之奸
可謂盛舉然政事不勝其多而宰屬不過數人耳目不
能徧察思慮不能周知速則鹵莽緩則壅滯甚非所以
彌縫宰輔也而况邊境未寧干戈未息正國家多事之
秋有大議論有大更張必得人以共圖之自從臣以下
謁見宰輔不過一再耳豈能如宰屬之無時不見欵密
無間哉當世所切不容少緩伏惟陛下明詔二三大臣

增置宰屬雖未能復成周之制亦宜求賢俊秉心公正
者共濟國事則所補者多矣惟聖主亟圖之

遼宰相屬官有堂後官有守堂官有令史

金元無考

皇明國初設立相國平章左右丞叅政即古宰相之職
故置左右司郎中都事等官為之屬至洪武十三年
革丞相餘官皆革後設殿閣大學士備顧問並不預政
故不置屬景順以後機務繁重而內閣制誥兩
中書舍人以書辦供事朝夕即古之宰相屬也選用或

續文獻通考
由進士或由舉人監生儒士以纂修効勞者亦得入始稱清華之秩矣

內八府宰相附

遼金無

元制內八府宰相掌諸王朝聘償价之事遇有詔令則與蒙古翰林院官同譯寫而潤色之謂之宰相者其貴似侍中其近似門下故特寵之以是名雖有是名而無授受宣命品秩則視二品

按輟耕錄曰內八府宰相視二品秩而不降受宣命特

中書照會之任而已寄位於翰林之埽隣埽隣者宮門外院官會集處也所職視草制若詔赦之文則非其掌也至於院之公事亦不得與焉例以國戚與勳貴之子弟充之

皇明不設

中書省

宋度宗咸淳九年三月置機速房於中書襄城既失賈似道復上書言事勢如此非臣下馳驅聯絡氣勢將有大可慮者帝曰師相豈可一日離左右似道乃建機速房

以革樞密院漏泄兵事稽遲邊報之弊

舊宰相繼以門下省而主封駁之事其給事中諫議大夫起居注補闕拾遺典儀城門符寶皆屬官也宋自紹興中廢門下省而元因之故今繼以中書省及其屬官而給事中等官仍附於中書省掾屬之後通事舍人之上其間以門下省者遼所置也

遼南面中書省初名政事省太祖置世宗天祿四年建政事省十二年改中書省

金初置中書省海陵正隆元年與門下省同罷

元世祖至元七年議立三省侍御史高鳴上言臣聞三省設自近古其法由中書出政修門下議不合則有駁正或封還詔書議合則還移中書中書移尚書尚書乃下六部群國方今天下大於古而事益煩取決一省猶曰有壅况三省乎且多置官者求免失政也但使賢俊萃于一堂連署參決自免失政豈必別官異坐而後無失政乎故曰政貴得人不貴多官世祖深然之

中書令

遼南面中書省置中書令太祖時韓延徽韓知古及趙延

壽皆嘗為之其次有大丞相左丞相右丞相見宰相目而繼

以知中書省事中書侍郎中書平章事中書叅知政事

元

初置中書令一員銀印典領百官會決庶務太宗以相臣

為之世祖以皇太子兼之至元十年立皇太子行中

書令大德七年定中書省官員數自左右丞相而下

平章二員左右丞各一員秩正二品副宰相裁成庶務

號左右轄叅政二員秩從二品副宰相叅大政十一

年以皇太子領中書令八月時武宗已即位時又定中書省臣

員數省臣言此年議省官員數有旨依舊制定為十二

員右丞相塔剌海左丞相塔思不花平章床木見乞台

濟如故餘令臣等議請以阿沙不花塔失海牙為平

章字羅荅失劉正為右丞郝天挺也先帖木兒為左丞

于璋烏伯都剌為叅政其班朝諸司冗員並宜簡汰從

之延祐二年復以皇太子行中書令置屬監印二人

至正間復有添設叅知政事添設叅政之格

趙天麟上策曰臣聞未宜輕舉者四海之宗不可常空

者三台之位是以貞臣守道虞人違析羽之招明主防

續文獻通考
微漢帝拒卽官之請斯皆小節尚貫大經矧此國基係
乎太子方其幼也但可齒學而振風及其長也但可安
心而行孝奚暇守他事哉今國家鋪張治具整頓條綱
內焉三公九卿外焉庶疆諸尹例皆舉賢推德使擇高
下之員務撥本司嚴糾傾邪之類蓋欲有生皆樂無物
不安旁惟惻隱之心迸續文明之治至於中書一令樞
密一使嘗使東宮領之連旬累月望諸闈銅輦之來臨
虛樹空帷設銀架金墀之大坐事雖專于副相政實決
於同僚臣以為中書者機務之關津天門之鎖鑰挈四

海蒼生之命掌萬春皇闕之家任之而當則奠枕盤石
任之未當則瘵官病政此實國家股肱心膂之臣也樞
密者疆場之守衛熊虎之維綱武臣効力而有所歸依
強寇寒心而潛消變故良才司令則坐撫塵清昧者持
衡則多生僻事此實國家爪牙統領之臣也由此觀之
軍民一柄治亂所關具其員而非其才尚恐難行設其
位而曠其官如何可治且太子正名之後雖諸王莫得
而同有三師三少之徒立詹事屬官之院凡在臣民而
咸仰但惟父母之常尊君行則守有守則從從曰撫軍

守曰監國為天子之元子任天子之副君又曰須銀章
玉帶輝一品之華階宥府都堂占大臣之上位名為重
之實所以輕之也東宮之領此職之所獲知若謂
籍其重以鎮之耶則朝廷政事無不奏聞是天威已鎮
之矣何須太子哉若謂他人不可為此職耶則太師太
保國王暨列公為之矣太傅司徒亦有為之者矣觀彼
四職不下於此皆令異姓為之何獨人不敢為此職哉
况耶律令已嘗作中書令乎太子之道春誦夏弦秋習
禮冬讀書研磨往古之攸行爰証當今之所務龍樓問

寢慤勤乎內堅之前甲館尊師懇惻于春官之側以微
柔為本以仁孝為先及其既冠則有記過之史徹膳之
宰進善之旌敢諫之鼓習與智長故幼而不媿化與心
成故中道若性三代之胤祚長久者以輔導太子有此
具也太子之善在于早諭教教得而左右正則太子正
矣太子正而天下定矣此所以周公示法於成王賈子
忠告於漢文也以陛下之聖猶立保傅在太子奚以疑
伏望陛下慎選碩人輔導太子無令降居臣職以輕其
身當使益增聖明以成其孝如此則乾符永握黔黎知

經文獻通考
大本之安震德維新天地有長男之筭更望陛下近譯
宗室旁及巖穴舉大賢充令史之官即聖主錫軍民之
福也

按院中書令為極尊次則左右丞相平章政事左右丞
叅政叅議中書省事左右司郎中皆叅贊中書者

成宗元貞元年六月勅上書者令中書開視以聞

叅議中書省事

元世祖中統元年置叅議中書省事秩正四品典左右司
文牘為六曹之管轄軍國重事咸與決焉員數自大

德元年改定為四員其治曰叅議府 順德至正七年

又置中書議事平章四人

按察政與叅議古無其官唐太宗時杜淹以吏部尚書
叅議朝政魏徵以秘書監叅預朝政其後或曰叅議得
失叅知政事皆宰相之職設府自元始

左右司郎中

元世祖中統元年中書置郎中 至元十五年分置右司
左司郎中二員正五品員外郎二員正六品都事二員
正七品右司亦如之左司所掌禮吏房之科有九一曰

南吏二曰北吏三曰貼黃四曰保舉五曰議禮六曰時政記七曰封贈八曰牌印九曰好事知除房之科有五
一曰資品二曰常選三曰臺院選四曰見闕選五曰別里哥選戶雜房之科有七一曰定俸二曰衣裳三曰羊馬四曰置計五曰田土六曰太府監七曰會總戶糧房之科有六一曰海運二曰僨運三曰邊遠四曰賑濟五曰事故六曰軍匠銀鈔房之科有二一曰鈔法二曰課程應辦房有二一曰飲膳二曰草料令史二人蒙古書寫一十八人漢人書寫七人典吏十五人右司所掌兵

房之科有五一曰邊關二曰站赤三曰舖戶四曰屯田五曰牧地刑房之科有六一曰法令二曰弭盜三曰功賞四曰禁治五曰枉勘六曰鬪訟工房之科有六一曰僨造軍器二曰常課段匹三曰歲賜四曰營造五曰應辦六曰河道令史以下畧同上

中書省掾屬

元中書省監印二人掌監視省印有中書令則置知印四人掌執用省印怯里馬赤四人蒙古必闐赤二十二
人左司十六人右司六人漢人省掾六十人左司三十九

人右司二十一人回回省掾十四人左司九人右司五人宣使五十人省醫三人玉典赤四十一人
斷事官秩三品掌刑政之屬元初嘗以相臣任其名甚重其員數增損不常其人則皆御位下及中宮東宮諸王各投下怯薛丹等人為之至元八年始給印二十七年分立二省斷事官隨省並置首領官經歷知事各一員吏屬蒙古必闌赤二人令史一十二人回回令史一人怯里馬赤二人知印二人奏差八人典吏一人客省使秩正五品四員副使二員正六品令史一人掌直

省舍人宣使等員選舉差遣之事至元七年始置直省舍人二員後增至三十三員掌奏事給使差遣之役
檢校官四員正七品掌檢校左右司六部公事程期文牘稽失之事書吏六人大德元年置

照磨一員正八品掌磨勘左右司錢穀出納營繕料例凡教計文牘簿籍之事中統元年置二員後省為一典吏八人

管勾一員正八品掌出納四方文移緘謄啓札之事郵遞之呈期曹局之承管兼主之中統元年置二員後定

為一典吏八人

架閣庫管勾二員正八品掌藏省府籍帳案牘凡備稽考之文即掌故之任也至順初定為二員典吏二人蒙古回回二架閣庫各管勾一員典吏一人

世祖至元七年趙天麟奏論都省行省職掌其畧曰臣聞車輿之樞要在於管轄衣裳之提綱係於要領要領不可以兼祗袂之資管轄不可以兼轄衡之用蓋器殊緩急則一無為萬有之宗名限重輕則一貴乃群卑之仰軒轅置六相而以風后等為之天乙立二相而以伊尹

等充之是時爵分萬國國建諸侯及嬴秦罷侯而丞相號起自是以未累朝相效其增損之制難以勝言其高下之秩例皆極品儀刑端禁總領紀綱掌一人家事之張皇作四海士民之倡率金章紫綬黃閣以提非惟詭殊異之丰儀所以示尊榮而委重也既資厚望當振清風我國家內立中書外立行省行省以革藩鎮諸侯之專中書以分公卿大臣之任防微之理亦已至矣樹治之法可謂盛矣然猶有未盡輒敢妄陳竊見中書內省密通皇宮統餘省於上游弼聖躬於中域但當坐而論

續文獻通考
道據槐府以秉鈞寬以宅心守台司而助化今也汴梁
以北北京以南西界長安東窮遼海釐毫細務靡不相
煩并斗微官亦來取決豈非管轄兼轄衡之用要領兼
衽袂之資乎伏望陛下載崇都省申以大名諫院隸焉
六部隸焉自烏臺相府所統之外隨朝九品以上亦皆
隸焉選才德無玷地望極清者為大中書令其丞相平
章丞轄叅政以至府之叅議院之諫官暨郎官都事之
司成冠以左右之號凡宰執朝會高確萬幾常以諫官
班於厥次有關斯補有遺斯拾如此而聖德加明治具

畢張矣凡都省移文於行省以咨付付之行省移文於
都省以咨呈呈之凡都省事關行省行省一切合稟事
務咨呈於都省都省判送六部擬而呈之轉咨行省以
行凡隨朝九品以上及外路受宣命以上官都省注之
如此而宰執益崇政事益簡矣更望陛下於腹內取中
別立一省謂之燕南等處行中書省以汴梁北京遼陽
安西省之間凡外路受勅牒以下官行省注之然後咨
呈都省乞頒勅牒可也凡隨朝諸有司當受付身者委
都省出之凡外路諸有司當受付身者行省出之如此

則上廡遠地而堂陛愈高都省增崇而天王益重矣或
者以為國家因四遠及蠻荆之新附故立行省以鎮之
腹內不須立也殊不知汴梁有省豈汴梁亦新附之域
哉事在不疑惟陛下察其可否而行之

門下省

遼南面設門下省

金初亦設正隆時廢元不設

侍中

遼南面門下省有侍中 太宗會同時趙思溫嘗居此職

金廢門下省無侍中 元亦無

門下侍郎

遼南面門下省有門下侍郎 清寧時楊哲居此職

金元不置

散騎常侍

遼南面門下省有常侍常侍之下有散騎常侍 天祚時

馬人望居此職

金中常侍乃內侍之職屬宣徽院 元無

皇明

續文獻通考

國初設中書省正一品有左右相國 洪武元年改左右丞相各一人左右丞各一人叅知政事二人總領衆職分錢糧禮儀刑名營造四部其屬左右司郎中各一人員外郎各一人都事各一人中書舍人二十人是年始置吏戶禮兵刑工六部正三品設尚書侍郎郎中員外郎主事統於中書省以滕毅楊士義錢用壬陳寬周禎單安仁為六部尚書入見奉天殿 諭曰朕肇基江左軍務方殷官制未備今以卿等分任六部國家之事總之中書分理六部至為要職凡諸政務宜竭心為朕經

理或有垂繆惠及天下不可不慎 五年定六部職掌

歲終考績以行黜陟 九年增戶部為五科刑科四科

工科四科設尚書一人侍郎一人郎中二人員外郎二

人主事五人 十一年禁六部奏事不得關白中書省

十三年誅右丞相胡惟庸詔罷中書省止存中書舍

人

按周六官廢而秦及列國皆設丞相其重者曰相國掌丞天子佐理萬幾漢設一丞相以御史大夫副之後改曰大司徒東漢因立司空而權移於尚書令僕自漢以

至宋其省或尚書門下中書其長或令或僕或僕射其
佐或叅知政事或左右丞或侍郎皆為人主理庶務無
所不統攝蓋真為相而名避之三公為貴官以加其資
格之重者而南渡以後至孝宗正其名曰左右丞相其
佐仍曰叅知政事元因之署中書省令一員正一品以
皇太子為之左右丞相同品同令平章政事從一品左
右丞正二品叅知政事從二品叅議正四品
皇帝即大位仍置中書省罷令不設餘俱如故 洪武
三年革平章政事 十三年以丞相胡惟庸專僭誅之

因罷中書省散其柄於六尚書而係之甲令曰後有請
立丞相者文武群臣劾奏其人凌遲處死嗚呼聖矣
百餘年未 天子不能獨斷事權必有所寄不能不歸
之內閣而至嘉靖中遂操丞相之柄萬曆初幾並人主
之尊數年以未半歸內侍而閣臣拱手受成勢極矣不
可不變而通也見弇州集

中書舍人

遼南面中書省設中書舍人院有中書舍人 景宗時見

室暉 道宗時見馬鉉 金元無

皇明

國初丙辰始定中書舍人凡二十員正七品先是屬中書省後革七年改省為舍人從八品九年始定為中書舍人正七品隸承勅監監省革改從七品凡恩廕寄錄及文華殿門東房內閣誥勅制勅房分直者無定員建文中改侍書入文翰館靖難後復故按楊一清曰此官存古制也所典司天子辭命親王群王并妃初膺封號合受金銀冊則書之自群王以下至奉國中尉自王夫人以下鄉君合給誥命則書

之凡公侯伯初受封爵合給鐵券凡勳戚内外文武官應給誥命勅命則書之其職掌至重也每大朝會則擬四員與翰林史官上殿東西班對立凡東宮節令朝賀定擬二員文華殿導駕侍班凡會試一員入場收掌試卷日給大官酒饌與翰林宮坊尚寶司六科同為侍從之臣諸司無相並者其地勢至清也其選用自進士外舉人與纂修書成被恩典者乃得之監生儒士有勳勞大臣暨宮僚講官有子孫宜承廕叙奉特旨者乃得之用之亦非輕矣

穆宗隆慶四年吏部覆郭諫臣奏制 誥兩房中書官

不得陞列九卿

按中書舍人無正貳印屬之年深者掌書 誥勅冊

符鐵券凡草請翰林院寶請諸 內府左券寶籍歸諸

古今通集庫凡 誥勅勘合籍以急就章為號凡 誥

勅之號四曰仁曰十二支曰文行忠信曰千字文字以

千字號為滿滿則續

給事中

遼南面門下省有給事中次於散騎常侍 聖宗時郭蝦

居此職

金給事中從五品屬宣徽院給事局使正七品副使正八

品屬衛尉司

元世祖至元六年始置起居注左右補闕掌隨朝壹省院

諸司凡奏聞之事悉紀錄之 十五年改陞給事中兼

修起居注左右補闕改為左右侍儀奉御兼修起居注

秩正四品後定置給事中兼修起居注二員左右侍儀

奉御同修起居注一員令史一人譯史一人通事兼之

印一人

皇明

國初統設給事中正五品 洪武四年改正七品 六年始分為六科各設給事凡八十一人從七品 十年隸承勅監 十二年改隸通政司 十三年置諫院左右司諫各一人左右正言各二人 十五年以兵部尚書唐鐸為諫議大夫 二十二年改給事中數符元士改為元士後又以六科政事本源改為士源未幾復為給事中 二十四年每科增都給事中一人正八品左右給事中從八品改給事中正九品尋又改都給事中正

七品左右給事中給事中並從七品 建文中革左右

給事中 靖難後復故 景泰三年命都左右給事中

坐御史上吏戶禮兵刑工科各都給事中一人左右給

事中各一人給事中吏科四人戶科八人禮科六人兵

科十人刑科八人工科四人監生六科四十人 萬曆

中戶科革給事中二員禮科革一員兵科革二員刑科

革二員

六科掌侍從規諫補闕拾遺分察六部之事而糾其弊
 誤凡臣民題奏下讀而署之駁正其違失凡 制勅宣

續文獻通考
行大事覆奏小事署而頒之有失執奏封還凡百司官
非政失其理露章班劾或封章奏劾凡日朝六科
輪一殿廷左右執筆記旨凡大事廷議大臣廷
推大獄廷掌科預馬凡旨下東科類吏科西科類
兵科日早朝進揭帖凡諸司題奏日附科籍五日一銷
註覈稽綴朝參門籍六科流掌馬內官傳旨下補奏
得旨而施行之

吏科事例

凡各衙門大小官員不由吏部銓選推舉徑自朦朧奏
請乞恩傳旨陞除等項本科參出施行凡雜流
異途出身及年遠違例妄行陳乞錄蔭者本科參奏治
罪凡內外衙門及巡撫巡按等官保舉官員未當或
交通囑託濫保官員本科俱參出施行凡各處領
勅方面官員嘉靖二十六年令撫按官不許輒放離任
違者本科糾奏

兵科事例

凡午門外直宿將軍於夜間或因祭祀遞出鑰匙或以
物投下試驗警忽將軍即赴科奏報早朝本科官引至

御前奏知 凡廠衛獲功人員每三年一次類奏覈實遵照格例陞賞嘉靖二十五年令凡違例者本科劾奏

六科通事例

凡內宮內使傳旨各該衙門補本覆奏再得旨然後施行 凡文武官員違例乘轎及武官上馬用交出入乘小轎者嘉靖五年題准聽六科糾劾從重罰治降調 凡開朝每月定委給事中二員分東西班與糾儀御史會同鴻臚寺錦衣衛清查以革詐為

丘濬曰我朝如六科設都給事中左右給事中隨

其科事煩簡而設員凡奏章出入必經由有所遺缺抵牾更易紊亂皆有封駁不特此也凡朝政之得失百官之賢佞皆許聯署以聞實兼前代諫議補缺拾遺之職祖宗設官不以諫諍名官欲人人得以盡其言也而又專寫其責於科道吁四海無不可言之人百官無非當言之職於泛然散處之中而萬隱然專責之意設官之意微矣

葉盛曰六科衙門專在磚城內尚寶司西永樂中災暫

于午門外直房署事遂至今仍之

世宗嘉靖康策秋給事中夏言疏曰六科額設都左右給事中給事共五十八員中間事有煩簡故員有增損然以司諫諍備獻納則六科之職均也祖宗以來額員俱備後未乃有不盡補者然遇都左右給事中缺五員以上則必奏請陞補各科給事缺十五六員以上則必奏請選補亦為著例在先朝五十八員一時補足當時侈為美談蓋增置諫垣自是盛代之事今六科現僅止二十一員不及額數之半吏科缺左給事中一員給

事中四員戶科缺給事中七員禮科五員兵科九員刑科七員工科四員共缺三十七員六科除都左右給事中之外惟給事中四員而已供事趨走日不暇給欲求優游侍從以盡文墨論思之長從容退食以致寅恭謀議之實不可得已其間言事者連輒被斥忤時者又多外遷歲消月減以至于今莫可復也考之祖宗舊規凡給事中有缺止于進士年三十以上者考選奏補弘治間始以行人博士兼選正德間始以在外推官知縣照御史例選補正德末年大臣畏忌新進敢

言乃始盡廢進士考選之例。陛下登極之。詔命今後照依舊例。給事中有缺于進士內考選奏補。御史有缺。進士與行取人員相兼考選。然應詔止于一行而旋復寢。吏部亦嘗奏請廟堂。大臣陰行格沮。往往以未嘗經歷世故。藉口是不過欲得脂膏媼媼。愛身固祿之流。取其不為己害而已。司馬光曰。凡擇言事官。當以三事為先。一。不愛富貴。次則重惜名節。次則曉知治體。今當用光言。以為取人之則。將見在各衙門辦事進士。及歷俸十年以上。行入博。并推官知縣。三年考滿到部。

者查照舊規。及見行事例。具奏從公考選。奏入。世宗

嘉納

穆宗隆慶元年。令給事中係近侍封駁之臣。例無考語。

諫議大夫

金諫院無所屬。設左諫議大夫。右諫議大夫。皆正四品左。

司諫右司諫。皆從五品。

元時馬祖常。疏人為諫議大夫。然不見用。

皇明諫議屬臺省。不設此官。

起居注

遼南面門下省屬有起居舍人院其官曰起居舍人曰知起居注曰起居郎

金特設記注院修起居注掌記言動 明昌元年詔毋令

諫官兼或以左右衛將軍兼 貞祐三年以左右司首

領官兼為定制

元世祖至元五年中書省臣言前代朝廷必有起居注故

善政嘉謨不致遺失即以和禮霍孫獨胡刺充翰林侍

制兼起居注 詳見給事中門

英宗至治二年十一月御史言朝廷雖設起居注所錄皆

臣下聞奏事目上之言動宜悉書以付史館從之

皇明

國初甲辰年設起居注乙巳年設太史監後俱裁革而史

職悉屬翰林院

拾遺補闕

遼南面門下省左諫院有左補闕左拾遺二員中書省右

諫院有右補闕右拾遺二員

金諫院有左補闕右補闕左拾遺右拾遺皆正七品

元世祖至元六年始置左右補闕十五年改為侍儀奉御

兼修起居注 詳見給事中門

皇明俱屬臺省不設

典儀

遼北面敵烈麻都司掌禮儀其官有敵烈麻都有總知朝

廷禮儀有總禮儀事已為禮部之職 南面自禮部外

不設典儀

金無

元世祖至元八年勅元正聖節朝會凡百官表章外國進

獻使臣陛見朝辭禮儀皆隸典儀司

皇明典儀俱屬鴻臚寺惟外國使臣譯字官生則別設四

夷館翻譯文字凡以達夷情重 國體也自永樂五年

因四夷朝貢言語文字不通特設八館為鞮鞞為女直

為西番為西天為回回為百夷為高昌為緬甸及正德

七年八百夷人蘭者哥進貢又增八百館凡九先是選

國子監生習譯宣德元年兼選官民子弟委官為教師

命翰林院學士稽考課程至正統九年又 諭寺副

姚本主事于禮提督至弘治七年 內閣大臣懼法久

人玩無以稱 上旨又請建置太常寺卿少卿各一員

為提督蓋視昔益加嚴矣

城門郎

遼無考

金京城門有收支器物使 貞祐元年置每城一面設一

員五年南京隨門添設舊有小都監後省正八品十四

員戶部辟舉凡十有四門曰開陽曰宣仁曰安利曰平

化曰通遠曰宜照曰利川曰崇德曰迎秋曰廣澤曰順

義曰迎朔曰順常曰廣智各門尉副尉從七品副正九

品

元大都城門尉秩正六品尉二員副尉二員掌門禁啓閉

管鑰之事二十四年復以六衛親軍叅掌凡十有一門

曰麗正曰文明曰順承曰平則曰和義曰肅清曰安貞

曰建德曰光熙曰崇仁曰齊化每門設官如上隸大都

留守

皇明不設前職京城各門置守門千戶所

符寶郎

遼南面符寶司屬門下省其官有符寶郎重熙初耶律玠

為之

金設符寶即四員掌御寶及金銀等牌屬殿前都點檢司

舊名牌印祇候大定二年改為符寶祇候改牌印今史為符寶典書四人

元世祖至元初立符寶局後改典瑞監 大德十一年改

監為院秩正二品掌寶璽金銀符牌置院使四員同知

僉院同僉院判各二員經歷都事各二員照磨兼管勾

承發架閣庫一員所屬小吏有差因中書省臣言舊制

金虎符及金銀符典瑞院掌之給則由中書事已則復

歸典瑞院今出入多不由中書下至商人結托近侍奏

請以至汎濫出而無歸請自後除官及奉使應給者非

由中書勿給遂為制

皇明尚寶司即國初符璽郎也正七品後置尚寶司正三

品洪武元年改正五品

本司卿一人少卿一人司丞三人恩廕寄祿無常員監

生六人

卿職在禁廷守 寶璽符牌印章而辨其所用有事請

於內既事奉而藏之少卿司丞為之貳凡寶十四曰

奉天之寶以鎮萬國祀 天地曰 皇帝之寶以 冊

封賜勞曰 皇帝信寶以徵召軍旅曰 天子之寶以

祭享鬼神曰 天子行寶以封賜夷蠻曰 天子信寶

以調發番兵曰 制誥之寶以識 誥命曰 勅命之

寶以識 勅命曰廣運之寶以識黃選 御前

之寶以進 御坐從車駕曰 皇帝尊親 賜

宗人曰 敬天勤民之寶以訓迪有司凡 捧

寶 從 寶洗 寶與印綬監俱凡扈守 命牌之

號六曰申曰木火土金水以警夜巡金牌之號五曰仁

曰義曰禮曰智曰信以嚴守衛凡半字銅符之號四曰

承曰東曰西曰北巡者左半守者右半合契而從事焉

凡銅牌之號一曰勇以稽守卒凡牙牌之號五曰勳曰

親曰文曰武曰樂以察朝參凡祭牌之號三曰倍曰供

曰執以謹祀事凡雙魚銅牌之號二曰嚴以肅直衛曰

善以潔壇凡符驗之號五曰馬曰水曰連曰通一曰信

以給傳郵通 制命

通事舍人

遼南面通事舍人院屬門下省官置通事舍人

金閣門通事舍人屬宣徽院官二員從七品掌通班替唱

承奏勞問之事

元不設以其事歸典儀

皇明設翰林院提督四夷館內有各國通事少卿一員主

之詳見土貢下

弘文館

遼不設

金改弘文館為弘文院知院從五品同知弘文院事從六
品校理正八品掌校譯經史

元文宗天曆二年置藝文監所掌與弘文館同領于翰林
院官秩詳本監

集賢院

遼無

金貞祐五年設知集賢院從四品正大元年授馬璘同知

集賢院從五品同議官正八品諮議官正九品俱不限員

元集賢院秩從五品掌提調學校徵求隱逸召集賢良凡

國子監立門道教陰陽祭祀占卜祭道之事悉隸焉初

置集賢院至元二十年併入翰林同一官署二十二

年分置兩院皇慶後定置集賢院大學士五員從一品

學士二員正二品侍讀學士二員侍講學士二員並從

續文獻通考
二品直學士二員從三品經歷一員從五品都事二員
從七品侍制一員正五品修撰一員從六品兼管勾承
發架閣庫一員正八品所屬三

興文署秩從六品署令一員以翰林修撰兼之署丞一
員以翰林應奉兼之 至治二年罷置典簿一員從七
品掌提調諸生飲膳與凡文牘簿書之事仍置典史一
人

皇明

太祖吳元年五月己亥初置禮賢館尋設翰林院學士正

三品侍講讀學士正四品直學士正五品修撰典簿正
七品編修正八品 洪武二年正月戊申定學士承旨
正三品學士從三品侍講學士正四品侍讀學士從四
品直學士正五品典簿正七品侍制從五品修撰正六
品應奉正七品編修正八品典籍從八品 三年置弘
文館學士九年罷閏九月癸巳 詔定百官品級承旨
與六部尚書俱正三品班在其上學士從三品侍讀學
士正四品侍講學士從四品 十三年八月己卯增設
檢閱從九品 十四年五月癸未革承旨直學士改翰

林院正五品衙門設學士一人侍講學士二人侍讀學士一人孔目一人屬官侍講二人侍讀二人侍詔二人史官修撰三人編修四人檢討四人革承旨直學士侍制應奉檢閱典簿十五年做宋殿閣大學士之制設華蓋武英文淵文華東閣諸大學士然官不過五品職不過備顧問而已十八年三月丁丑命吏部定正翰林院官學士一人正五品侍讀學士侍講學士各二人從五品首領官孔目一人未入流屬官侍讀侍講各二人正六品五經博士五人正八品典籍二人從八品

侍書二人正九品侍詔六人從九品又史官修撰三人從六品編修四人正七品檢討四人從七品俱屬本院簡用取聖裁官無定員而侍讀先侍講則始如此

建文年間更易官制仍設翰林院正官學士承旨一員在學士之上改侍讀學士侍講學士俱為文學博士設文史二館文翰館以居侍讀侍講侍書五經博士典籍侍詔其侍書陞正七品文史館以居修撰編修檢閱改孔目為典籍創置典簿廳而革中書舍人改為侍書以隸翰林又增設文淵閣侍詔及拾遺補闕等官永樂

初皆復洪武十八年舊制又增建于東閣角門內以編修解縉等七人入內閣叅預機務典綸綍謂之閣臣然本院印信自王景去後猶以內閣學士解縉胡廣楊榮等相繼署院洪熙以後添設謹身殿大學士而楊士奇等加至師保於是禮絕百僚隱然有鈞衡之重不復署掌院事矣然文淵閣本內署非衙門名故凡朝廷之召宣諸司之文移雖事關機務亦止稱翰林初不以內閣名及正統七年本院落成掌院事學士錢習禮不設西楊南楊公座曰此非公府也至期

二楊以聞乃命工部具椅案禮部尚書胡濙定位次以楊所職固翰林也而近來文移動稱會同內閣大臣豈其未聞前制矣乎第文淵內署諸曹異文移往復猶以翰林行之今雖稍稍變革而猶有一二存者如史成焚草中貴傳旨猶傳大學士為翰林學士翰林公暑中左設大學士三座學士一座而講讀學士東西對列是學士秩雖卑而職與內閣相表裏本院自永樂十九年定鼎北京遂設衙門於此以留都為南京翰林院止設學士一員掌之遇有員缺從內閣

推舉其後侍講以上官皆得掌院事仍設孔目一人
國初稱庶吉士者初稱中書六科庶吉士十八年又有
翰林院承勅監庶吉士永樂二年始定為翰林庶吉士
選進士教養之無定員試而留者二甲為編修三甲檢
討不得留者為給事中御史主事或出為州縣官

本院學士一人侍讀學士二人侍講學士二人其屬官
侍讀二人侍講二人五經博士五人典籍二人侍書二
人待詔六人孔目一人史官修撰三人編修四人檢討
四人吏四人

學士掌詞翰文章 誥勅備顧問詳正圖書考議制度
凡經筵日講修書之事皆承受而統領焉講讀職專
講讀經史五經博士專經講議以佐學士講讀典籍勾
輯圖書以時什襲而藏之侍書以字書侍上待詔應對
孔目典文儀出入史官掌修 國史凡天文地理 宗
潢禮樂兵刑諸大政 上所下 詔勅書檄批荅 王
言皆謹籍而記之以備實錄凡學士講讀史官為 上
所簡注皆得入 內閣預機務京府鄉試充考試官禮
部會試充考試同考試官詹事府坊局亦如之

英宗天順中大學士李賢建議請專選進士科充翰林院官遂為制先是景泰間陳循輩私其所舉以雜流冒銓一時翰苑多委靡昏鈍浮薄之流吏部不敢別調至是有旨重修大明一統志制曰惟擇進士出身者為之於是諸輩多乞改職李賢因言于上命吏部別除之翰林為之一清且請著為制從之自後非進士起家不得居翰林為孤卿非翰苑出身不得入內閣居宥密雙溪雜記云自朱陞用六部堂官不拘出身何衙門如天順間以布政蕭昉為禮部尚書無禮部必用翰林出身之例又如楊士奇以儒士由齊府審理副胡儼由知縣又李賢由吏部主事薛瑄御史皆得入閣亦無內閣必用翰林出身之拘成化弘治以來南北吏部每部必選用翰林一人南北禮部非翰林出身者不得陞入

史官

宋

寧宗嘉定二年秘書郎真德秀奏請命國史實錄院所修事節朝廷看詳久當即頒下玉牒會要所參照重行修

纂其畧曰恭惟陛下賢聖仁孝自惜著聞甲寅之秋肇履大位蓋出於先皇付託之誠憲聖擁佑之力而大臣實奉行之授受之間燦然明白秉史筆者固宜鋪張其美以詔萬世而臣伏觀玉牒會要所書大抵承迎佞胄之意而誇大其功欺天罔人莫此為甚昔紹聖中奸臣用事被宣仁以奪嫡之謗加蔡確以定策之功顛倒是非終危宗社今陛下躬膺祖宗神器之重而簡冊所記顧歸一擯相之小臣傳之萬世何以為法况且受息之人豈無報復之念倘不亟加辯正異時或得籍口以逞

其私紹聖崇寧之禍可鑒也臣側聞嘉定元年二月議臣有請命史官取紹聖五年以後至開禧三年以前史院文字并日曆時政記凡涉誣罔悉行改正陛下既俞之矣歷時寔久必已成書臣願特降睿旨命國史實錄院具所修事節上之朝廷看詳允當即頒下玉牒會要所恭照重行修纂上以光聖朝揖遜之美下以杜奸黨覬覦之漸天下幸甚

十五年司封郎中魏了翁論實錄闕文具畧曰臣曩者濫員東觀蓋嘗伏讀金匱玉板之藏每惟祖宗實錄自

東都以前凡一百六十八年不過一千餘卷而南渡以後高宗孝宗皇帝兩朝實錄僅六十餘年遂至一千卷以三十六年事為五百卷猶之可也而二十七年為卷亦如之意其廣記備言無所脫遺而臣偶因當時所遭隨事檢閱則有不盡然往往一月而釐為二三卷往往州縣細故亦動千餘言至事關大體顧反脫畧且如開禧元年虜使趙之傑要陛下起受國書臣時以館職獲陪朝署之後偶記乾道六年虞允文為相虜使烏林答天錫倨慢與此相似時則允文前奏大駕還內放伏罷

朝臣與在列誦言其事所冀速達有頃聞陛下徑還禁中一如乾道故事臣謂宰執必有援此以開陳者乃聞韓侂胄為宰執言此謝廓然為之不知廓然秉政尚後此十餘年也臣既還朝即取乾道國史實錄會要聖朝日歷諸編徧加披閱則於此事或全無所載或畧及一二而實錄則仍循常比書垂拱殿賜茶酒不知是日茶酒未嘗設也又書知國事王抃上疏詔明日引使入朝見乃似專美於抃而抃詞止議受書之儀亦不及放伏罷朝事此實錄之闕文有如此者是歲蘓師且除安遠

軍節度使明年六月師旦抵罪詞臣以章制罷去或謂
內制未有封駁故事臣因記乾道七年三月己卯張說
除僉樞張棧等言其不可旋即反汗八年二月乙卯申
命則周必大以直學士院繳還批詔且乞以宣徽命說
臣即檢閱實錄諸書則己卯事無所載止於是月戊子
書節度使萬壽觀制不書事始己當修正至八年乙卯
事則又逸去矣夫聖主則臣直此最是先朝美事而前
後皆不書此又見實錄之缺文有如此者開禧二年三
月倪思與李壁爭論明堂嚴父配天事朝論莫知所決

臣因記淳熙三年三月丙午朔秘書監李燾奏乞舉行
宗祀明堂之禮歷引神宗皇帝聖語及錢公輔司馬光
李受諸儒之說嘗下郡臣議雖不果行然實錄不當全
脫其事至淳熙六年趙雄為相竟白行之實錄亦所不
書元降明堂詔書亦未嘗登載而閱樂等事亦皆失實
又見實錄之闕文有如此者臣因是三事每嘆孝宗皇
帝明謨偉斷卓乎前代者不可勝記而臣偶記所聞輒
逢脫畧無卷帙猥煩若此而記載脫畧乃爾若不及今
距乾淳未遠文字未盡淪失老師宿儒故家遺裔尚可

訪問亟與搜羅會粹否則因循浸久必致是非失實無以傳示將來臣伏覩實錄院見遵詔旨改修孝宗光宗兩朝實錄增入列傳臣愚欲望睿旨併下本院令史官將兩朝實錄重加點檢儻有缺失如上所陳者即採訪增入其冗濫重復及史文不經去處悉與刪削庶幾文省而事詳足以垂憲貽後仰副陛下寅念列祖之意

理宗淳祐二年秘書少監兼修起居注官高斯得進修史故事其畧曰臣嘗伏讀國史竊見祖宗修書故事帝紀志傳必一書成乃修一書未嘗有並修兩書者蓋國家

大典關係至重非專心致志為之則不能紀載得實傳信後世且以神哲徽欽四朝正史言之乾道中史官李燾上帝紀既而補外及再還朝乃命修列傳故燾初至有此三項奏請列傳垂成而燾卒所謂展限末年春季者竟不果就遂召洪邁卒成之十三年十一月乃克登進曰紀曰志曰傳次第而修首尾二十七年四朝大典始孝宗皇帝豈不欲其速具哉而責成有漸如此以燾良史之才無出其右亦不敢自詭並修志傳而二書之進先後相距其遠又如此以是言之崇成巨典其可以

易言哉臣伏見國史院被旨修纂高孝光寧四朝志傳限末年三月登進臣叨與載筆苟有管見不敢默已且詔修四朝志傳為日久矣趙以夫始專其事不知亟加纂輯乃欲先合九朝正史為一而後以四朝續之用力舛差遂墮汙漫迄以夫之去四朝志傳竟無一字沈騰繼之當其任矣而乃引嫌力辭尤熒又繼之亦復控避以乃就職更三史官虛曠歲月幾及兩載實為可惜九月以來乃方分命僚屬然規模不立人情渙散既不照舊例奏請先立年限又不考故事分志傳為兩次以百

餘年間歷史官二百八十餘人所不能成之書自詭速成於數月之內抑何甚輕易乎夫神哲徽欽諸臣列傳至肅之時已經四修三修兩修一修可謂易於成書矣猶且踰四年而後奏進今高孝光寧諸臣當立傳者人數猶未能定雜揉踈漏絕無倫次院史所供初草大抵徒具私家所供誌狀全未經史官考校增入他書又安得有所謂四修三修兩修一修者乃欲取辦於四五月之間臣知其苟且滅裂務應期限希息賞而不足傳信決矣雖然列傳粗有張本者也乃若諸志則從前未有

片紙纂次今始創為其間天文地理選舉禮樂之屬猶可編類綴緝惟兵財二者乃百餘百建國之實政本末閱閱功力浩瀚非可鑿空為之者豈數月之所能辦乎且史院官例多兼職往往一時煩劇之任叢於厥身有如燾所謂精力有限詳彼畧此者而望其專力總領速成大典難矣臣非倡為異論苟欲遷延以逃瘵曠蓋考諸故實昭然不誣乃敢授據以為陛下告欲望聖慈宣諭提舉官及此編摩未定之初檢照孝宗皇帝修書故事改命史院官專一編纂四朝正史諸志候奏篇畢續

遼

行纂次列傳度幾修書次第既合舊典又使諸史官不分成篇可準不至苟且滅裂貽笑後世

南面有國史院其設官曰監修國史曰史館學士曰修撰曰修國史

太宗會同四年詔有司編始祖奇首可汗事迹

景宗寶寧八年諭史館學士皇后言亦稱朕暨予著為定式

聖宗統和八年北府宰相室旺進所撰實錄二十卷十

續文獻通考
九年正月詔曰歷官毋書細事 二十九年詔已奏事
附日歷

興宗重熙中耶律谷欲奏詔與林牙耶律度成蕭韓家奴
編遼國上世事蹟及諸帝實錄

韓家奴見帝獵未嘗不諫會有司奏獵秋山熊虎傷死
數十人韓家奴書於冊帝見命去之韓家奴既出復書
他日帝見之曰史筆當如是

道宗太康初史臣進七帝實錄 清寧二年六月詔罷史
官與聞朝議俾聞宰相乃書 五年五月監修國史耶

律白請編次御制詩賦仍命自序先耶律孟簡詣闕上
疏曰本朝之興幾二百年宜有國史以垂後世乃編耶
律昌魯屋質休哥三人行事以進上命置局編修孟簡
謂餘官曰史筆天下之大信一言當否百世從之苟無
明識好惡徇情則天禍不測可不慎哉 時上欲觀起
居注修注即不擯突忽董不進各杖二百罷之 壽隆
二年太子洗馬劉輝上疏曰宋歐陽修編五代史附我
朝于四夷妄加貶訾且宋人賴我朝寬大許通和好得
盡兄弟之禮今反令臣下妄意作史恬不經意臣請以

趙氏初起事蹟詳附國史上嘉其言 天祚初命纂實

錄

金

初國史院嘗以諫官兼職明昌元年詔諫官不得兼恐于

奏章私溢已美故也其官曰監修國史曰修國史皆一

員曰同修國史二員女直漢人各一員曰編修官正八品八員

女直漢人各四人檢閱官從九品十員女直漢人各五員修遼史刊修

官一員編修官三員太和四年增設國史院女直漢人

同修史各一人

世宗大定十二年十一月上屏侍臣與宰臣議事記注官

亦退上曰史官記人君善惡朕之言動及與卿等所議

皆當與知其於記錄無或有隱可以朕意諭之 十八

年正月修起君注移刺傑上書言每屏人議事雖史官

亦不得與聞無由紀錄上以問平章政事石琚左丞唐

括安禮對曰古者置史官于左右言動必書所以儆戒

人君度幾有所畏也

章宗太和六年二月尚書省奏右補闕楊廷秀言乞令官

編次日曆封送史院上令付著作局潤色付之

元
元以翰林兼國史其官秩詳具學士院順帝時常以右丞相統之

仁宗皇慶元年上謂省臣曰翰林集賢儒臣須朕自選用毋輒擬奏人言御史臺任重朕謂國史院其任尤重蓋御史臺是一時公論國史院是萬世公論於是陞翰林國史院為從一品

胡粹中曰元諸君雖不習為文字之學其所稟風氣完固天質淳厚故發言往往暗合理道如仁宗常言人言御史臺重任朕謂國史院任尤重御史臺是一時公論國史院是萬世公論至哉言乎雖知道之君不是過也雖然持萬世之公論者苟不詢一時之公論則其所立言必非公論矣

英宗至治三年國史院進仁宗實錄先一日拜住詣國史院聽讀首卷書大德十一年事不書左丞相哈剌哈孫定策功惟書越王禿剌勇決從容謂史官曰無左丞相雖不越王何益書鷹犬微勞而畧發縱指示之人可乎立命書之地筆削未盡者悉令補正人服其識

文宗至順二年正月御制奎章閣記上嘗至閣中命取國
史閱之左右舛置以往院長貳無敢言者編修官呂思
誠獨跪奏曰國史記當代人君善惡自古無天子取官
之理遂止

胡粹中曰古人有言守道如守官呂思誠抗言執奏
可謂能守官矣文宗聞諫而止不亦尤賢乎哉

順帝至正三年詔修遼金宋三史以右丞相脫脫為都總
裁平章鉄木見塔識右丞賀惟一中丞張起巖翰林學
士歐陽玄侍御史呂思誠翰林侍講學士揭傒斯為總

裁官丞相問修史以何為本揭傒斯曰用人為本有文
學而不知史事者不可與有文學知史事而心術不正
者不可與用人之道又當以心術為本傒斯又言作史
之法須求作史之意政事得失人材賢否一律以是非
之公至於物論不齊必反覆辨論求歸於至當而後可
五年十月遼金宋三史成右丞阿魯圖進呈上曰史
既成書前代善者足法惡者取戒豈知為君者人臣亦
當知之卿等具體朕心以前代善惡交相戒勉

皇明

續文獻通考
本朝史官即翰苑諸臣之職

按前代修史左史紀言右史紀動宮中有起居注如晉董狐齊南史皆以死守職司馬遷班固皆世史官故通知典故親見在廷君臣言動而書之後世讀之如親見當時之事 皇明初設起居注尋設翰林編檢等官皆充史官立班雖近螭頭亦遠在殿下成化以來 君不復與臣下接 朝事亦無可紀凡修史則取諸司前後奏牘分為吏戶禮兵刑工為十館事繁者為二館分派諸人以年月編次雜合成之副總裁刪削之 內閣大

臣總裁潤色之其三品以上乃得立傳亦多紀出身官階遷擢間有褒貶亦未必盡公

今上萬曆二十二年三月大學士王錫爵等請 勅儒臣

開書局纂修 本朝正史以垂萬世看得正史之纂修雖稱創議粵稽先代咸有舊章如漢史成于班馬二氏宋史評于真仁二宗凡皆以本朝之史紀本朝之事故聞見真而傳信遠也 明興二百餘年治化綦隆遠超千古正史未備後嗣何觀切惟 制書凡載之大者無若 累朝實錄 大明會典二書願實錄取編年而事

蹟不相聯貫會典止載條例而議論未及詳收各有體裁初非史法即欲考一事之顛末求一人之始終浩瀚難周搜尋不易方今駕乘野記勤塗說而傳訛名名德嘉猷散遺文而不顯誠為闕典據所請前項正史一節委宜及時纂修以垂不朽之傳以彰勅諭以重其事况茲正史之纂尤為創起之規必須裁自聖心特頒明訓議得先年纂修其總裁用閣臣充之副總裁用翰林等官謄錄正稿用史館中書等官抄寫草稿收藏掌管吏部選取吏員充役今史冊浩繁編摩難竟設官

宜備求才宜廣查得翰林各官給假在家假滿未來者尚多宜令吏部行人催取赴京至於海內博學洽聞之士或官別署或淹外僚容臣等咨訪文行兼優者不論品流員數量改京銜入館供事或有閒住官員山林隱逸行義無虧文學可取者還令吏部訪薦一體錄用庶吏才畢集而編摩不患乏人矣又議正史傳信聞見宜博書籍不備考究何資本朝制書元與史法相關見貯內閣者暫令各館取看其志記紀事等書有款脩查考而無從措處者待開館設官後容令備細開具

款目其制書行內府衙門印刷領給此外一切諸書宜行禮部都察院移文兩京各衙門及各巡按御史提學官多方購求解進以備查考采擇又議事有專任則用心不分人有分授則勤惰易考今依原奏所定先修大志大紀年表次之列傳又次之分類別款各授一事庶條理不紊而功叙可稽又議史以精核為主固不貴速成然非立程限難責成功合無將各官分授編纂者視其繁簡限以月日各送總裁刪定如志紀表傳之類依限驗完逐件繕寫再照自古編輯大書常經

一人之手庶精神聯屬首尾貫串今宜專屬副總裁畢力為之凡纂修等官毋得轉易討差給假即有遷轉亦必將原派纂修條款俟撰完交送方行庶專供職業早成鉅典可免頭白汗青之譏一上是之二十三年九月禮部覆累朝闕典究竟難湮看得給事中楊天民御史牛應元各稱建文年號向奉革除累代因循未經議覆先是太祖高皇帝在位懿文太子薨逝即立太孫至洪武三十一年太孫嗣位改元建文御宇凡有四載暨成祖文皇帝以靖難登極遂削

去其年號而高廟實錄於是有三十五年之稱夫
 太祖在位實惟三十一年而三十二年以後安得尚蒙
 洪武之號建文既也負宸臨朝薄海內外奉有正
 朔矣一旦削而除之無乃非所以示信于天下乎方今
 聖明善繼善述表揚祖功宗德以彰大孝臣等
 亦不敢以妄生意見別議更張而建文位號在當年
 無削去之文今亦無憑議覆惟及此纂修之時特命
 秉史局者於高廟實錄之中摘洪武三十二年以
 逮三十五年遺事復叙建文元年二年三年以存其

年號仍修葺為少帝本紀示不泯沒而其間疵政過
 舉自不能曲為隱諱成祖靖難之烈固為奕世而有
 光而建文在位之績亦同殷監而不爽慰幽魂於九
 原昭大義於天下微顯闡幽信今傳後其裨益國體
 而增光聖德非耿小者奉旨建文事蹟着附載

